

श्री वसुन्धरादेवी व्रत-वाखं



(श्री वसुन्धरादेवी)

सम्पादनः

— अष्टमनि गुभाज

श्री बसुन्धरादेवी व्रत-बाखं

सं० अष्टमुनि गुमाजु

(षःगु स्वीप्यदं वयंगु बुदिया लसताय्)

पिथनाः देछाःम्हः-

श्रीमती रेवती बज्राचार्य

पिकाकः- श्रीमती रेवती वज्राचार्य व सपरिवार,
लगं दलाछि, ये ।

पियना:- ह्लापां, न्यासःगू, ने सं. १११३, यंलागाः ३,
गातिलाः ।

सफूया हामा:- मनू मात्र सकलें ।

द्यवः किपा:- स्व. साहु द्रव्यघर तुलाघर
न्यत, तुंछे गल्ली, ये ।
साभारः नेपालभाषा परिषद् ।

मू:- एकचित्तं ध्वनागुबी ।

थाकू:- बी. एस. प्रिन्टिङ्ग प्रेस, लगं दलाछि, ये ।

देछा !

युगु सफू पिथनाः— ने. सं. १११३ गातिलाःकुन्हु
जिम्ह वसपोल दिवंगत मप्तमुनि (माइकाजो)
वज्राचार्य व दिवंगत तदा श्रीमती माशामाया
वज्राचार्यपिनि लुमन्तिइ— श्री मां वमुन्धरादेवीया
पालिकाय् देछाया ।

— श्रीमती रेवती वज्राचार्य

सफू ज्यायेगु ज्या ववचायेकाः
मांयात देछाया ।

— ग्रष्ट

लय्ताः खँ

श्री वसुन्धरा व्रत-कथा चवयाः पिकायेत्यना घकाः जिह्य
शिष्य अष्टमुनि धाःगु न्यनेमात्र जितः तःधंगु हर्षं जुल ।

थव वसुन्धराया तिलाव्रत धकाः दंय् छववः सा तच्चतं हे
न्यंक चलय्ज् । हानं लय्-लयपति नं व्रत दनीपि दु । थवलय्
व्रतय् वाखं कनाबिइपि मद्ययाः छुयाये छुयाये जुइगु । थज्याःगु
वाखं सफू धाःसा संस्कृत भाषां जुयाच्चन । संस्कृत भाषां
वाखं कनीपि गुरुपि तच्चतं हे कम जुयाः वनाच्चन । हानं
नेपालभाषां धाःसा वसुन्धराया वाखं सफू आपाःसिके मद्दु,
माप दुलंभ जुयाच्चन । थज्याःगु आपतय् थौं सपूतह्य नेपाल-
भाषा सेवी अष्टमुनि वसुन्धराया व्रत च्वनेवल्य् कनेगु श्री
शाक्यमुनि भगवान् बुद्धं धोपितारामय् कनाविज्याःगु अश्वघोष
नन्दितमुखावदान थौं न्ह्याह्यस्यां कने फुगु, न्ह्याह्यस्यां थूगु
नेपालभाषां सम्पादन यानाः प्रकाशन याःगुलि हानं हानं
थज्याःगु धर्मग्रन्थया सफूत चवयाः पिकाये फयेमा घकाः
अष्टमुनि वज्राचार्ययात तःधंगु आशोर्वाद विद्यागु जुल ।

मेमेपि जिगु शिष्यपिसं नं यथे हे वमंग्रन्थ सफू चवयाः
पिकाःगु स्वयेदत घालसा तःधंगु सफल जूह्य जि ताये ।

शुभ मङ्गलम् भवन्तु सर्वदा !

— बद्रीरत्न वज्राचार्य

बौद्ध धर्मय् बसुन्धरादेवी

नेपालय् माद्रकृष्ण तृतीया घालसां यंलागाःया गातिलाःखुन्हु बसुन्धरादेवीया तृतीयाव्रत दनेगु वज्रयानी बौद्ध पूजा पद्धति अनुसार यानावयाच्वंगु दु । गथे राजधानी काठमाडौं व पहाड पर्वतय् च्वंपि हिन्दू मिसातय् माद्रशुक्ल तृतीया व पञ्चमी (तीज व ऋषि पञ्चमी) खुन्हु ह्यछम्हं ह्याउंक वसः पुनाः पशुपतिइ वा मेघाय् गनं महादेवया मन्दिरय् देकेवनाः अबुसं च्वनी । तराई प्रदेशय् च्वंपिनि कार्तिकशुक्ल पष्ठीखुन्हु छठ पर्वया व्रत च्वनी । थये हे ये, यल व खुबय् च्वंपि बौद्धतय् मिसा-मिजं निखलःसियां ह्यछम्हं ह्यासुक वसः पुनाः खुसिइ वा लुंयायु हितिइ भवः ल्हुयाः बसुन्धरादेवीया घलं दनाः व्रत च्वनी ।

बसुन्धरादेवीया मन्दिर मेपि देवीपिनि मन्दिर थें थाय् थासय् देगः दयेकाः स्वनातःगु मदुसा नं येय् स्वयम्भू स्थानय् स्वयम्भूया दक्षिणपाखे बसुपुर घयाथाय् उत्तर दिशा स्वयाविज्यानाच्वंह्य बसुन्धरादेवीया मन्दिर दु । थये हे महाराजगञ्जया क्वय् चक्रपथं च्वय् उत्तर-पाखे बसुन्धराद्वं धकाः छगू द्वं हे दु । घन बसुन्धरादेवीया मूर्ति स्थापना यानातःगु दु । आपाः थें विहारया आगमय् व वज्राचार्य, शाक्य व तुलाधरपिनि छेया आगमय् बसुन्धरादेवीया मूर्ति वा कलश वा थुलि नं मदुसा बसुन्धरादेवीया तसबीर जकसां तयातागु दइ । बसुन्धरादेवीया मूर्तिलिसें जम्मल जलेन्द्रयात छथों छगः जक मदुक लखय् घनातःगु दइ ।

बसुन्धरादेवीयात बसुन्धारा, बसुन्धरी, बसुधरी, बसुमती, बसुधा,
धनवती, धान्यवती, श्रीमती, प्रभावती धकाः न धयातःगु दु । थथे हे
जम्भल जलेन्द्रयात धनेन्द्र धकाः न धाइ ।

बसुन्धरादेवीया परिचय थथे बियातःगु दु- बसुन्धरादेवीया
रुवाः स्वपाः दु । ल्हाः खुका दु । दथुया रुवाः ह्यासुसे च्वं, जवयागु
महालक्ष्मीया रुवाः कुंकुमवर्णं व खवैयागु कीमारीया रुवाः ह्याउंसे
च्वं । जवयागु मूगु ल्हाःति जपमाला ज्वनाबिज्यानाच्चंगु दु । जपमाला
ममाधि वा ध्यानया प्रतीक खः । जीवनय् सफलता प्राप्त यायेत चित्त-
स्थिर यानाः लगनशीलता दयेकेमाः । जप, ध्यान यायेमाः धयागु
संकेत खः । निपागु ल्हाःतं ज्वलाह्माय्कं ज्वनाबिज्यानाच्चंगु दु ।
ह्माय्कंया न्ह्याने भिगु वा मभिगु छु वस्तु दइ उकिइ वया हे प्रतिरूप
खनेदइ । ह्माय्कं स्वयेगु बांमलाकेत मखु, बांलाकेत खः । बांमलाःसा
ह्माय्कं स्वयाः बांलाकेगु, बांलाःसा जन हे बांलाकेगु ह्माय्कं स्वयेगुया
अर्थ खः । ह्माय्कंयात संस्कृत मासं आदर्श धाइ । ह्माय्कं आदर्श जीवन
न्ह्याकेगु छगू ज्वलं खः । स्वपागु ल्हाःत अभय वरदान बियाबिज्याना-
च्चंगु दु । मनूतयगु जीवनय् विभिन्न प्रकारयागु भय वयाच्चवनी- गथे
मरकारपाखेंया भय, खुंया भय, अनिकालया भय, मर्त्यवं सिइगु भय ।
थुज्याःगु नयपाखें रक्षा यायेगु अभय वरदान खः ।

खवया मूलगु ल्हाःया ज्वंसा पुस्तक खः । पुस्तक प्रज्ञा अर्थात्
ज्ञान बुद्धिया प्रतीक खः । पुस्तकीय ज्ञान मदयेकं मनूतसैं व्यावहारिक
क्षेत्रय् व आध्यात्मिक क्षेत्रय् च्वन्ह्याःगु ज्या याये फइमखु । ज्ञान हे
उन्नति पथय् न्ह्याःवनेगु, धर्मया मार्गय् यहाँ वनेगु ज्वलं खः । निपागु
ल्हाःतय् वागुंइ ज्वनाबिज्याःगु जुल । वागुंइ धनधान्यया चिह्न खः ।
श्वानाच्चवनेत मनसे मगाः । नयेत मुख्यतः अन्न माः । बसुन्धरादेवी
बसु धयागु धनया स्वामिनी खः । धनधान्य प्रशस्त दत्तकि मनूतय्

जीवन सुखं हनेदइ । राष्ट्रया उन्नति जुइ । स्वपागु ल्हाःतं पूर्णं कलश
ज्वनाबिज्याःगु जुल । कलशय् लः जायाच्चवो । कलश पूर्णताया प्रतीक
खः । बसुन्धरादेवीया वर प्रसादं सुख ऐश्वर्यं वृद्धि जुइ, पाप नाश जुइ,
पुण्य लाभ जुइ । मेमेपि देवदेवीया वाहन वा आसन पशुपक्षी आदि
खने दुसा बसुन्धरादेवीया आमन कलश जुयाच्चंगु हु ।

लुं ह्यासुसे च्वं, वा ह्यासुसे च्वं । ह्यासु घयागु घनधान्यया
प्रतीक खः । ह्यासुगुयात सुवर्ण घाइ । बसुन्धरादेवी स्वयं ह्यासुगु वणं-
याह्य खः । बसपोलयात ह्यासुगु रङ्ग यः । उकि बसुन्धरादेवीया व्रत
दनेबलय् पूजायात ह्यासुगु वस्तुयात प्राथमिकता बियात गु दु । फुमा
दंय्दसं बसुन्धराया मूर्तिइ लुंयागु न्हगु तिसां तिइकाः पुज्याये माःगु
खः तर ध्व सम्भव मदुगुलि छुचुंनय् हलू तयाः ह्यासुकाः ध्व छुचुंयागु
ह्याप्पनय् छुइगु चाःचाः, ववलायेगु रत्नमाः, हिरायफवः, ल्हाःतम्
न्हायेगु चुल्या, तुतिइ न्हायेगु कल्ली दयेकइ । द्योयात ध्वहे तिसां
तिइकइ । मरि नं ह्यासुगु हे छुइ । ह्यासुगु पातया पसि सिकाः गां
न्ययेकइ । पात मदुसा म्हासुगु कापःयागु गा पसि दयेकाः पुं कइ ।
ह्यासुगु छिकिछिकिबुंस्वां व मेगु नं फछिफवव ह्यासुगु स्वां छाइ ।
हलुख छिनाः जाकि ह्यासुकइ । जजका बुइताः न ह्यासुक छिनातइ ।
व्रत का नं ह्यासुगु हे तइ । सिसाबुसा ह्यासुगु हिसि व आमासि छायेगु
याइ । थथे द्यो ह्यासुह्य, द्योयात छायेगु वस्तु ह्यासुगु, व्रत दनीपिसं
पुनीगु वसः ह्यासुगु थथे यानाः दनिगु तोलाव्रत वज्रयानी बौद्ध धर्मया
ताकालंनिसें न्हायानावयाच्चंगु दाशंनीय व्रत खः ।

ध्व तृतीया व्रत घलं दनिबलय् कनीगु 'श्री बसुन्धरादेवी पूर्व-
कथा व्रत धर्म सम्पूर्ण नन्दीमुख अश्वघोष अवदान' बाखया सार थथे
दुः- तुषितामुवनय् विज्यानाच्चंह्य श्री बसुन्धरादेवी मर्त्यलोकया
श्रीपुर नगरय् च्वह्य राजा सूर्योदयं थः लानि चूहदेवीनाप च्वनाः प्रजा

प्रतिपाल व धर्मकर्म सोमंकाच्चंबलम् नन्दीमुख व भञ्जवोष निह्य छवया-
हयाः जुजुयात वसुन्धराया व्रत दंकेबिल, पतिनातःह्य लानि निम्बदेवीं
व्रत दंगुलि मिखाचा छे लाय्कू छेय् हिल, लाय्कुलिह च्वह्य चूडदेवीं
देवीयागु व्रतया स्वां-सिह्लः थुथुयानाः वांछ्वःगुलि फास्वाः जुहकाः तसकं
दुःख सिह्माल व लिपा वप्सरापिनिपाखें वसुन्धराया व्रत दने खनाः
फास्वाः तनाः ह्लापा ये जुल । राजा सूर्योदय, लानिपि निम्बदेवी व
चूडदेवीपि सुखमोग यानाः लिपा तुषिताभुवनम् वन ।

छह्य नां मसिउह्य मे च्वमि एव बाख लोक लय् तथाः चिना-
तःगु ह्लापांया नित्वाः चरण न्ह्यवयाः जिगु धायेगु खें थनंतुं ववचायेके ।

शरण महालक्ष्मी कुमारी वसुन्धरा

प्रभुयागु चरणम् दान शिर तथाः ॥ ध्रु ॥

जवयागु ख्वाल कुमकुम वर्णं
खवयागु ख्वाल हेंगुलि वर्णं,
दथुयागु ख्वाल ह्यासुगु वर्णं
सूर्य समानं तेज धिना च्वह्य ।

धव मचा सरिका प्राणी लहिनाः
अन्न धन रत्न परिपूर्णं बिद्याः
षट्गति योनि गुलि दु प्राणी
धव मचा मालपा मोक्षपद बिद्याः ।

फणीन्द्ररत्न वज्राचार्य

इवावाहाः, ये ।

जिगु वन्दना !

थुगुसी जिगु जन्मह्लिकुन्दु छक्कः लगंवाहाःया थाय्पावि व वम-
पोलपिनि जहानपि सहित यानाः पञ्चदान बिद्याः क्षीर भोजन याकेगु
इच्छा जूगुलि, मेगु ततःधंगु ज्याखँ छुं याये मफुसां थुलि हे जकसां याये
षइगु मतिइ तया । जन्मह्लि तिलाव्रत दनेगु गातिसाःकुन्दु साःमुनि
जगत्था सत्त्व प्राणीपिन्त करुणा दृष्टि स्वयाः पासनपोषण याना-
बिज्याःह्य, दुःख दरिद्र नाश यानाः धनधान्यं परिपूर्णं यानाबिज्यायेत
सकल प्राणीजनया मां जुयाबिज्याःह्य जगत जननी माता वसुन्धरा-
देवीया महिमा दुगु बाखं सफू छगू नं छापय्यानाः इने दःसा ज्य् षइगु
मतिइ लयावस ।

कयां छु दु ? मकयां छु मदु ? षइथे थन संसारय् न्ह्याव्व
दःसां मगाः । मगाः मचाःपिनि नं दशकर्म यानाः दुःख जीवन हनाहे
चवन । नयेत जा प्राणीमात्रं नयाहे चवन । थपाय्जि मनुष्य बोला
धायेकाः जन्म जुयाः नं छुं हे यानावने मखन धाःसा जीवन घंगुला
व्यर्थय् हे फुत्त । उकि लिपा घाल धायेव छु जुइ? गुगु जुइ? थःहेदइता
मदइ धाये थाकु । भाः थुगुसी मतिइ वःबलय् सफूषा छगू नं इने षइगु
मनं ववःछिनाः । जिह्य दिवंगत जुयाबिज्याये घुंकूम्ह वसपोल सप्तमुनि
वज्राचार्य व वसपोलया तःधोम्ह जहान, तता स्व. आशामाया वज्रा-
चार्यपिनि लुमन्तिइ पियनाः मां वसुन्धरादेवीयाके चित्त तयाः थो
छत्तपोल छिकपिस्त देछायाचवना । थुलि हे जूसां मन सन्तोष यानाः

लयायाचवना ।

जिधें जाःह्य, छुं हे मसुम्ह, कीचा समानह्य प्राणीं थुलि यानाः
मां बसुन्धरादेवीयाके चित्त स्थिर यानाः श्रद्धां पूजा यानाः, ल्हाः
निपां प्यपुंकाः वसपोलया पालिकाय् थःगु श्रद्धामाबं वन्दना याये-
'प्राणी मात्रया दुःख घेगु मदयेमालं । सुं दुःख दरिद्र मजुइमाल । सक-
लसियां चित्त प्रसन्न जुयाः राग, द्वेष, अहङ्कार नाश जुयाः धर्मचित्तम्ह
जुइमाल । धर्मचित्तया कारणं- काम क्रोध लोभ भोहयात दमन याये-
कुम्ह पराक्रमी जुयाः लोकय् मत समानं तेज बीकुम्ह जुयेमाल ।

जि दु.स्त्रिनी- अमागी मिसाया वन्दनायात मां बसुन्धरादेवी
करुणा दृष्टि स्वयाः न्यनाबिज्याये माल । थुलि हे कामना यासे मांया
पालिकाय् श्रद्धाया पासः देछासे वन्दना याःवया । यानाचवना ।

१११३ यंलागाः ३,
गातिलाः, आइतवाः ।

श्रीमती रेवती (मसिनु) वज्राचार्य
लगं दलाछि, ये ।



मां रेवती (मसिनु) वज्राचार्य

गृह्यसिद्धि धर्मचिन्तां यः गु खोप्यदे वयंगु बुद्धिया

लसताय् थुगु सफू पिदन ।

जन्म:- ने सं. १०५०, (गातिला:) यंलागा: ३

धाये मास्तिवःगु छुं

मनूत जन्म जुइ । सिना वनी । छुं दै लिपा, वया लुमन्ति
तनावनी । वलकि वनेगाः— एव अनित्यगु संसारय् । मिखां खने दइव
सकतां ला ह्मनावनीगु वस्तु धाइ । सदां सुलिसे ह्मनाच्वने दइमख् ।
सकतां भोग्य वस्तु नं भोग यानाच्वने दइमख् । अथे नं मनूत संसारया
दइव फुकक सुख सुविधा भोग यानाच्वनेगु व थः भेषि स्वयां मिन्न जुइत
आपालं भौतिक वस्तुक युक्त जुइत, थःतः अस्त यानाः मनूत मःमः
न्हुयाः इपःमपः कनाः व्वाय् व्वाय् जुयाजुइगु । थज्याःगु हे विषय
जंजालय् फंसय् जुयाः मनूत तिपयाये हे मफुगु दुःखया भ्रमरय् लानाः
थहां वये मफयेक दुनावनाच्वनी । सुनां छु स्यू कल्लय् छु जुइ ? सु गन
थ्यनी ? थःगु अन्त गुथाय् वनाः जुइ ? अन्तयां लिपा थः गन गुथाय्
दइले ? मनुखं भाःपे मफु ।

मनू, धाथ्ये धायेगुसा मृत्यु हे वया अन्तिम यात्रा खः । वयां
लिपा मन्त, फुत । शून्यमय संसारय् उलि याकनं थःगु अस्तित्व मदया-
वनी कि वया थःगु घइगुया नामं अन छुं हे दइमख् । त्यनीगुया नामं
छुं छुं हे मदइकथं अस्तित्वहीन जीवन घानाः भ्वानाच्वनेगु घइगु न
दुःखया खं खः । थये भ्वानाच्वनेगु धैगु नं छगूकथं भ्वाःभ्वाकं नं सिना-
तुल्य मखुला ? अले थज्याःगु कथं जीवन हनाच्वनाया सार छुलेसा ?
छुनि छु ! अर्थहीन ।

खः, अर्थहीन जीवन व अस्तित्वहीन जुयाः मात्र नये-त्वने व

तिये-पुनेया दुने हे जक जीवन व्यतीत यानाः म्वायेगु घेंगु व्यर्थ छः । थये म्वानाच्चने सिकं बरु क्षणिक जक जूसां मिगु कर्म यानाः, मिगु मतिइ तथाः, मिगु लंपुइ वनेगु घेंगु तस्कं बांलाःगु खं खः । सारगु जीवन घेंगु वहे छः- गुम्हस्यां बाकु जूसां पलाः छिनाः थम्हं यायेमाःगु कर्तव्य यानाः मिगु बांलाःगु संस्कार ब्वलंकाः, सुचि नियमय् च्वनाः थः व कतः सकलें समानं माःपाः मैत्रीचित्त तथाः सुकर्म यानाः लय्ताः चित्त जुयाः न्ह्यानावनी, न्ह्यानाच्चनी । अज्याःपिनि जीवन धात्थें च्याःगु मत समान जुयाच्चनी । मनू, व्यक्ति मदयावनी । एव ला स्वामाविक नियम हे खत । तर गुम्हगुम्हस्यां गज्याःगु कर्म यानावन, छु छु यानावन व फुक्कं छगू संस्कार जुयाः थनया थनसं त्यनाच्चनी असंख्य मनूतय्गु एव संसारय् गुलि मिगु, गुलि ममिगु संस्कार जुयाः त्यनाच्चनीगु मनूतय्गु कर्मया लिच्चः लिपाया पिठिइ व्यापक जुयाः न्यनावनीगु मध्यय् थीं ममिगु विचारं महत्त काकां वनाच्चंगु जुल । तर... थये धकाः झी निराश जुयाः दुःख तायाच्चनेमाःगु मदु । छायाःसा मिगु कर्म, मिगु लंपु नं झीगु न्होने दु । आपालं मिगु संस्कारत नं झीके दनि । अले थम्ह फुथे जकसां मिगु संस्कारय् थःत यानाः न्ह्यानाच्चंयि नं थन दनि । ममिगु संस्कारं अतिक्रमण याहे याःसां थःत फक्क चिनाः झी पूर्वज आजु-अजिपि व तथागत, महात्मा अले गुरुजन-पिसं क्यनावंगु लंपुइ छपलाः जकसां तयावंगु, न्ह्यानावं च्वंगु नं दनि ।

झीपि- दु खि, दरिद्र, असहाय जुयाच्चनापिन्त उद्धार यायेगु कारणय् इलय् ब्यलय् विश्व-महामानवपिसं जन्म काःत्रिज्याःगु दु । अले कर्तव्यच्युत जुयाः विषय जंजालया पत्ति चिनाः छुं मखनाच्चपि झी मनूतय् कर्तव्य बोध याकाः मोक्ष बीगुया लागि झीत आपालं साहित्य बियावंगु दु महात्मापिसं । झीत संस्कारं चिनायकूगु दु । एव यायेमाः, व यायेमाः, थये यायेत्यः अये यायेमत्यः घेंगु आदि नियमत दयेकाः स्वःता यकूगु दु झी आजु-अजिपिसं । अयेहे देव-देवीपि सृजना यानाः

उमिगुपाखें जुइगु मिगु ज्याया बखान यानाः धर्म, शास्त्र, दर्शन, कर्म-
काण्ड, विधिविधान, सकतां दयेकाः यः व कतः सकलें उद्धार जुइगु
ज्ञान क्षीत बियावंगु दु । उकियात नाला नं च्वंगु दु । छयला नं च्वंगु
दु- परम्पराकथं । सीकं वा मसीक ह्माया परम्परा छयला बुला
यानावयाच्च्वंगु दनि । थुकियात दुवालाः दुहां वने फत धाःसा आपालं
ज्ञान गुणया खंत सियावइ । सरक्षणया भावना जायावइ । थुकथ छह्य-
स्यां मेह्यसित कंकं स्पेस्यं थोया अद्यापितकं क्षीगु संस्कार संस्कृति
भवानाच्च्वन । न्ह्यानाच्च्वन ।

थुगु हे न्ह्यानाच्च्वंगु जीवित संस्कारत मध्यय् श्री देवी वसुन्धराया
व्रत दनेगु नं छगू छः । यंलागाःया तृतीयाकुन्हु (गातिलाः) या दिनय्
श्री देवी वसुन्धराया व्रत दनाः धर्मय् लीन जुइगु, उगु व्रत दनेगुया महत्त्व
सांकेगु थुइकेगुकथ स्वानातःगु सूर्योदय जुजुया बाखंयाखें वयनाच्च्वंगु लंपु
न्ह्यायेगु अवश्य नं उत्तमगु ज्या छः । थुगु ज्याय् निरन्तर गति त्रिया-
वयाच्च्वपि, सकलें क्षीसं थ्रद्धा तयेवहःपि छः ।

षट्गति योनिइ जन्म जुयाच्च्वनापि क्षी प्राणीमात्रयात उद्धार
यायेगु हेतुं शाक्यमुनि बुद्धं छन्हु घोपिताराम धइगु यासय् सकल
समालोकपिनि न्ह्योने आज्ञा जुयाबिज्यागु धयातःगु थुगु व्रतकथायात
न्यनाः, न्यंकाः, व्रत दकाः न्ह्याकावयाच्च्वंगु इवलय् विद्वान्त्रगं यानावया-
च्च्वंगु कुतः अवश्य नं नालाकायेबहः जू । थुगु धर्म कथायात गुलिसिनं
तुतःया रूपय् नं चिनातःगु दु, गथेकि- “शरण महालक्ष्मी कुमारी,
वसुन्धरा प्रभुयागु चरणय् दान
शिर तथाः... ।”

यथे हे, गुलि व्रतकथा, गुलि व्रतविधि आदि सकूत इलय् न्यलय्
पिथनावं च्वंगु नं दु । थुकि थुगु तिलाव्रत दनेगु धर्मज्यायात सदां
जीवन्त यानातयेत महत्त्वपूर्ण भूमिका ह्यितू । यनि दंछिति न्ह्यःहे तिति

असं हितिमङ्गः या स्व. गोरे साहुया नामं वय्कः या परिवारं पिथनाः
 इनाव्युगु श्री वसुन्धरादेवीया व्रतविधि सफू हनेबहः ह्य गुरु पण्डित
 बद्रीरत्न बज्राचार्यजुपाखे सम्पादन यानाः पिथनाविज्याः गु खः । यथे
 धर्म-शिक्षा दान यायेगु नं छगू संस्कारया रूपय् बवलनाच्वंगु दु । एव
 तस्कं बांलाः गु लसताया खं खः । थज्याः गु हे लसताया कथहनाय् थुगु
 सफू नं निर्माण जूवन । थुकिया बारे चिहाकय्क छुं खं न्ह्यब्वयेत्यना-

तेबहाः या डम्बरमान डङ्गोल मदुगुया पाहां ब्वनेगु खे- लत्या-
 बलय् यायेगु व लिसें श्री वसुन्धरादेवीया व्रतकथा छगू नं पिथनाः इनेगु
 इच्छा मदुह्यसिया धर्मपत्नी बद्रीमाया व वय्कः या परिवारं यानादिल ।
 अले थुगु न ज्याया माला जिह्य मांनं जितः विइकाविज्यात । थुकिया
 लागि हनेबहः पि पण्डितपिसं च्वयाः पिथनातः गु सफूत स्वयाः (विशेष
 यानाः- 'शरण महालक्ष्मी' तुतः) माय् दयेकाः थः गुहे पहलं, न्हूगु
 शैलीं बाख्पात ज्यानाः लःहानाबिया । उकिइ मेमेपि देव-देवीपिनि
 तुतः, सिलः, धारणीत नं तथाः सफू पिदन । एवहे सफुतिइ च्वंगु बाख
 थपासय् जिह्य मांया लुमंकाः थः गु जन्मह्लिकुन्हु छापय् यानाः इनेगु
 इच्छा प्वंकाविज्यात ।

मांयाके दनावः गु धर्मचित्तया ज्यां समाजय् छुं मचासां प्रभाव
 बांलाः गु लायेमा घइगु मलसां थुगु सफू ज्यायेगु ज्याय् जिगि सपरिवार
 न्ह्यचिलागु खः । थुगु ज्यां नं कह्लय् वनाः छगू मिगु संस्कार निर्माणया
 लागि तिबः जूवनेफु- गथेकि, ह्यागयापिसं थः गु नामं, थः परिवारया
 नामं धर्मकथा, ग्रन्थ, साहित्य आदि पिथनावंगु यम्हं स्वया-खनाच्वना-
 गुलि लाः गु लिच्वः यां लिच्वः थुगु सफूया पिथना खः । थज्याः गु इच्छा
 दानं हानं मांया चित्तय् दनावयेमा धकाः आशिका याना ।

थीं मांया जन्मह्लि, मधे नं पवित्रगु दिन जुल जिमि लागि ।
 उकिसनं श्री वसुन्धरादेवीयागु तिनाव्रत दनेगु तः धंगु दिनकुन्हु मांनं

इच्छा यानाविज्याः कथं यगु व्रत-बाखं पिथने दयाः जिपि तस्कं लयताः ।
गुलि यायेफुगु खः यानाः मांयात एव सफू लःल्हाना । मांन दिबंगत जुबा
बिज्याये धुंकूपि जिमि त्तिथं वन्दनीय अबुजु सप्तमुनि व तःबिमां भाषा
माया बज्जाचार्यपिनि लुमन्तिड पिथनाः श्री बसुन्धरादेवीया पालिकाय्
देछायाविज्यात । चिकिधगु जूमां यगु ज्यायात सुनानं नाशाकाल वा
धर्मचित्तं यगु परम्परा न्याकावन घाःमा मांया एव ज्या सफल जुल
धकाः माःपे ।

व्रत-बाखनय् दुने

यगु तिलान्नत -वाखं सफू छलपोल/छिकपिनि ल्हाःतय् हेदु ।
वाखनं मिगु खें बियाच्चंगु दु । ममिगु याइपिनि क्षणिक सुख जूमां
गुगुकथं उमि दुदंशा जुइयः घइगु खें, धर्मचित्त दुपिनि ह्लापा न्याक्व
दुःख सीमाःसां अन्तय् उमि मि जुइगु । जूजु प्रजाया दयुइया स्वापू ।
कतंव्य विमुख जुइवं उकि लाःवइगु लिच्चः । अले श्री देवीया कृपां
पापी नं धर्मचित्तह्य जुइगु, उद्धार जुइगु खंयात बाखंया माध्यमं क्षीत
सन्देश बियाच्चंगु तस्कं यइपुगु एव बोद्ध साहित्ययात सदां म्वाकातये-
माःगु व जनमानसय् ह्वेलेमाःगु मिगु मन्देश खः एव श्री बसुन्धरादेवीया
व्रत-बाखं ।

बाखनय् श्रीपुर घइगु देश छगू क्षीत वयनातःगु दु । अले सूर्यो-
दय जूजु, वया निह्य लानिपि- धर्म व पापया प्रतीक, निम्बदेवी व
चूडदेवीपि । तुषितापुवनं कवहां विज्याइह्य देवी बसुन्धरा- बाखंया
केन्द्रविन्दु । जूजु-प्रजाया समन्वयात्मक एकता- सेन घइह्य पात्र /
अप्परागणपि । अले लैय् लैय्सं नागलाइपि कालसपं निह्य, सुचिमुख
प्रेत, फात्वाःह्य प्रेत आदिपिनिपाखें पापकर्मया मोग बारे प्रष्ट जुइक,
थुइक उदाहरण यानाः वयनातःगु जुल । पाप याये मत्यः, पाप यायेव
युपि ये दुःखमोग यानाच्चने माली घइगु खंयात तप्यंक मघासे थुकथं
हिइकाः मेगुकथं घयाच्चन । गुकि मनूतय्त तप्यंक प्रभाव लायेमा घइगु

मनसायं यथे च्वयातःगु खः । भन्तिमय् मुख्य खं ला व्रत दनेगु खः ।
 व्रत दनेवं चित्त शुद्ध जुइ । एकाग्र जुइ । बसुन्धरादेवी प्रति जक चित्त
 वनाः दशाकुशल पाप याये मज्यू छइगु छ्वायुइ । कर्तव्यं च्युत जुइमज्यू
 छइगु खं सिइ । थुकथं स्त्रीत थुइकेत, कनेत, स्यनेत थुगु बाखं रचना
 यानातःगु जुल ।

थपायजि धर्मया ज्याय् जिम्त लं-छुकाबिज्याःगुलि मांयात
 अनियानागु जुल । थुगु ज्यां छुं मचा जक पुण्य दतसा थुकिया प्रमावं
 सकस्यां चित्त शुद्ध जुइमाल । मैत्रीचित्त जुयाः मिगु जक कर्मय् चित्त
 वनेमाल । दुःख दरिद्रं सकल लोकपि मुक्त जुइमाल धकाः कामना
 याना ।

थुगु सफू पिथनेगु इवलय् हनेबहःह्य गुरु पं. बट्ठीरत्न वज्राचार्यजुं
 थःगु भूमत्यगु 'लयताः खं' च्वयाबिज्यासे सफूया महत्त्व थकया-
 बिज्यात । वलपोलयात श्रद्धां अनियाना । थयेहे हनेबहःह्य विद्वान्
 साहित्यकार फणीन्द्ररत्न वज्राचार्यजु पाखें न बौद्ध धर्मय् बसुन्धरादेवी-
 या महत्त्व अले वसपोलया ज्वैसाया वर्णनसहित बियाः थःगु खं च्वयाः
 सफूयात उप्बः छायपेगु ज्या यानाबिज्यात, वसपोलया गुण ग्रहण यासे
 भादरपूर्वक सुमाय् देछाया ।

सफू ध्वायेगु (मुद्रणसम्बन्धी) ज्याये फु-मफु मधासे आपाल
 दुःखसियाः, मन बियाः, श्रद्धा तयाः स्वाहालि यानाबिज्याःह्य जिह्य हने-
 बहःह्य दाजु हेरामुनि वज्राचार्ययात त्वःगु आदर यासे गुण ग्रहण याना ।
 थयेहे थुगु ज्याय् श्रद्धापूर्वक ध्यान तयाः स्वाहालि यानाबिज्याःह्य वासा
 विजय शक्यजुयात नं आपालं सुमाय् देछाया ।


अन्तय् स्व. साहु श्री द्रव्यधर तुलाधरजुं च्वयातयाछूगु
 (तिलाव्रतलिसे स्वाःगु बाखं दुगु बसुन्धरादेवीया) किपा बलक प्राप्त
 जूगुलि नेपालभाषा परिषद्यात आमार व्यक्त याना । सुमाय् ! ●

ने. सं. १११३, यंलागाः तृतीया,
 नातिमाः, भाइतवाः ।

प्रष्टमुनि गुमाजु
 लगं दलाछि, ये ।

सफुतिइ दुने

१. लय्ताः खँ - बद्रोरत्न वज्राचार्य - क.ख
२. बौद्ध धर्मय् बसुन्धरादेवी- फणीन्द्ररत्न वज्राचार्य - ग.च
३. जिगु वन्दना ! - रेवती वज्राचार्य - छ.ज
४. घाये मास्तिवःगु छुं - अष्टमुनि गुभाजु - झ.ढ
५. श्री बसुन्धरादेवीया ब्रत दनेगुया महत्त्व व
सूर्योदय जुजुया बाखँ- - १-२९
६. श्री बसुन्धरादेवीया धारणी- - ३०



श्री बसुन्धरादेवीया व्रत दनेगुया महत्त्व व सूर्योदय जुजुया बाखं

ह्लापा तथागत शाक्यमुनि बुद्ध छन्हू कौशाम्बी वड्ढु
नगरया लिफ घोषित नांयागु तस्कं वांलाःगु वगैचाय् जवय्
शालिपुत्र, खवय् मौद्गल्यायन व न्ह्यःने आनन्दया लिसं यक्क
भिक्षुसघपि मुंका. विज्यानाच्चन ।

उगु इलय् अन वसपोल तथागतया न्ह्यःने त्रिभुवनया
सकल लोकपि- देव, मनुष्य, राक्षस, नाग आदि बुद्धया
चरणय् भोपुया स्वचाः चाहुलाः थथःगु थासय् च्वनाः पुलि
चुयाः ह्लाः विन्ति यानाः दरिद्रतां मुक्त जुड्ढु लंपुया धर्म देशना
न्यनेगु इच्छां एकाग्रचित्तं तथागतयात स्वयाच्चन । उगु इलय्
आयुष्मान् भिक्षु आनन्दं भगवान्यात विन्ति यानाविज्यात ।

- भो भगवन् ! यीं छलपोलयापाखें धर्मदेशना न्यने
धकाः सकल लोकपि वयाच्चन । थूगु इलय् लोकपिन्त भिके-
गुया लागि, सुख वीगुया लागि थन मर्त्यलोकय् श्री बसुन्धरा
महादेवीयागु धर्मव्रत गुवलय् पिदन, ह्लापां सुनां व्रत दन,

ध्व ब्रत गथे हनेगु ? थुकियागु पुण्यया प्रभाव गथे दु ? सक-
सिया न्यनेगु इच्छा यानाच्चन । छलपोलं सकल लोकपिन्त
मन आनन्द जुइक आज्ञा जुया बिज्यायेमाल ।

भिक्षु आनन्दया थूगु खं न्यनाः भगवान्-बृद्ध आनन्दया
लिसें सकलसिया रुवाः स्वयाः आज्ञा जुयाविज्यात-‘आयुष्मान्
आनन्द ! ह्लापा थन मर्त्यलोकय् श्री बसुन्धरादेवीयागु धर्म
व्रत पिदंगु खं कनेत्यना, एकचित्त यानाः न्ये ।’

ह्लापा ध्व मर्त्यलोकय् तस्कं बांलाःगु तःघंगु श्रीपुर धयागु
नगर छगू दु । ध्व नगरया जुजु चक्रवर्ती सूर्योदयया निह्य
लानि दु-निम्बदेवी व चूडदेवी । थूपि निह्यनायं थः इच्छाकथं
सुखभोग यानाच्चन ।

जुजुया निह्य लानिमध्यय् तःघीह्य लानि निम्बदेवी तस्क
बांलाः फुक गुण सम्पन्नह्य, करुणां जा ह्य, न्याय-नीति, विवे-
कशोलता आदि युक्तह्य, स्वामिभक्त, पतिव्रता धर्मय् निपु-
णह्य स्वः । घराणी कुलय् जन्म जूम्ह लानि दान धर्म नं
यानाच्चह्य स्वः । ज्ञान, गुणया लागि सत्सङ्गय् न्ह्यानाच्चह्य
वया मचांनिसे गुरु नं दु । जनतायात थ हे सन्तान भाःपाः
लहीगु जक इच्छा यानाच्चह्य जूगुलि सकम्पां यः । थज्याःह्य
लानि निम्बदेवीया सन्तान मदयाच्चन ।

चीघीह्य लानि चूडदेवी घाःसा अकतंव्य, कुकर्मया नकिह्य
अज्ञानी, उस्त बांनं मलाःम्ह शीलस्वभाव घडगु छु मदुह्य,
थः जक नये, थः जक त्वने घाइह्य, सत्सङ्गय् मन क्वमसाःह्य,

करुणाया चितकं मदुह्य, घराणी कुलयाह्य नं मखुह्य, स्त्रोधम
मस्यूह्य. न्याय-नीति व धर्मशास्त्रबा कुं खंतक न्यनामतःह्य,
मिथ्या ज्ञानय् लानाच्चह्य, कुव्यवहारं भूचाःह्य, कुविद्या सये-
कावं च्वह्य खः । तर थवयापाखें न इहिपाः यानाः खूदं
ह्यदंतकं नं सन्तान मदगाच्चन ।

छन्हु जुजु सूर्योदयं निम्हं लानिया न्ह्यःने सन्तान मदुया
दुःख व्यक्त यात । चीघीह्य लानि इहिपाः यानागु नं सितिक
वनीला ? राज्यया उत्तराधिकारी सुयात दयेकेगु ? सृतां अग्नि
संस्कार याइ ? आदि खंत वसपोल व्यक्त यानाः दुःख
तायेकाच्चन ।

जुजुं दुःख तायेकाविज्याःगुलि तःघीह्य लानि भलसा
वियेकथं बिन्ति यात- 'स्वामी ! दुःख ताया विज्यायेमते
दैवया कृपा व कर्पया भोग सुतां हुयां हुइ फइमखु, हथाय्
त्राया विज्यायेमते ईश्वरया भलसाय् खः भी । फुक्क याना-
विज्याइह्य वसपोल । भी हालां छुं जुइगु मखु । घैर्य याना-
विज्याहुं, धर्म बिना मेगु छुं उपाय मदु, धर्म यानाविज्याहुं,
जिपाखें सन्तान मदयेथय्यु तर चीघीह्यपाखें अवश्य दइतिनि ।
भी अपाय्चवः बृह्ना बृह्नी नं जूगु मदुनि । छाय् घन्दा कया-
विज्याना ?

तर चीघीह्य लानि चूडदेवीया नुगलय् घाःसा थः भाःतं
'सन्तान मदुनि' थाःगु खं न्यनाः पापं वाय्काल । थुकि अःखः
प्रभाव लाकल । खःगु घाल घइगु बिचाः मयासे भाःत थःत
भस्वइ घइगु बिचाः वन । थ्वकुन्हुनिसें थः भाःत थः यत्थें दइगु

ज्याय् कुतः यानाजुल । कुतगत यानाजुल । कुविद्या साधना
यानाः न्ह्यथूह्य निम्बदेवीयात भाःतं मययेकेगु, मिखाकुन तकं
स्वये मययेकेगु निमित्त जुजुयात ह्लित्थं कुकर्मया कतंव्य यानाः
नयेगु त्वनेगुलो छयलावं हल । वयागु थज्याःगु कुत्तित चाल
मुनानं मस्यू । सूर्योदय जुजुं छुं हे भाःपे मफयावन । तःधीह्य
लानि खनेवं तह पिहां वइगु जुल । चूडदेवी मखनेवं हीमी
चाइगु, स्वये मास्तिवइगु जुयावल । थुगु हे रीतं स्वदे फुइव
तःधीह्य लानि निम्बदेवीयात छुं हे अधिकार मव्यूमे दरवार
छखे तयाविल ।

जुजुया चीधीह्य लानि चूडदेवी प्रीति तत्कं मतिना जुयाः
प्यपुनाच्चन । लाय्कूया व्याक्क अधिकार लःह्लात । धुकूया
कर्ता नं चूडदेवी हे जुल । कान्छी वडामहारानीया पदति
बियाः जुजु सूर्योदय श्रीपुर नगरय् मिसा नायकत्वय् थः
चीधीह्य लानि धाःथे सकार यानाः राज्यया दायित्व छखे
लिनाच्चन । देशय् जुजुं छुं वास्ता याःगु मखुत । वयात
चीधीह्य कलाः हे सकतां जुल । वयात हे छःसमान यानाः
मानय् यानाजुल । ह्लिच्छि चच्छि कलाःनाप कवथाय् च्वनाः
मुख ऐश्वर्य, काम-क्रीडाय् लीन जुयाच्चन ।

थुगुकयं ह्लित्थं मभिगु मखुगु ज्याय् भूचायाः छुं हे धर्म
हंमसीकाः भिगु दक्क त्वःमंकाः अधर्मी जुयाच्चह्य कलात
धाःधाःथे च्वनाः अन्याय अकृति, अविवेकी जुयाः थःगु जक
स्वार्थय् तक्कना च्वंपिन्त 'परयागु दुःख व थःगु दुःख छगुहे
समान खः' धकाः छु धाःवःपिन्त दायाः, कुनाः, सर्वस्व हरण

यानाः दुःख कष्ट विद्याजुल । अन्याय अराजकता हित्य
 न्हायानावं चवन । सःपि स्यूपि विद्वान्जनपिनिगु छु कदर
 मजुल । छु मस्यू-मथूपिन्त नं थः यलकि ततःवगु दर्जा विद्याः
 प्रोत्साहन विद्याहल । मतिइ लूथं यानाः रोज्य यानाच्चगु
 न्यादं फुनाः खूदं बयन । श्रीपुर नगरय् दुःख जुजुं तल ।

श्रीपुर नगरय् दुर्भिक्ष (अनावृष्टि) जुल । वखतय्
 (असार श्रावणं) वाहे मवइगु व पौष-माघ (वेवखतय्)
 यक्व वा वइगु जुल । जुजुं अःकथं ज्या यात । द्यवं न अःकथं-
 या ज्या यानावयन । देशय् अथेसां जुजुं भाःपे मफुत ।

थुगु इलय् देशय् अनिकाल कल । नये-त्वने मखनाः,
 मदयाः हाहाकार जुल । नये-त्वने मदयाः बूहा-बूहो, रोगी,
 मचात अर्थे पुतुपुतुं सिनावन । त्यासे-त्यायम्हत नं सिनावंगु
 दत । खूं, लूच्चा, पवगित वढय् जुल । पवगितय्त पवंवःसां
 'वीगु छु मदु' घकाः छवयाबीगु, गनं दुपिसं व्वःविद्या हइगु
 जुल । इलय् बा वःगु मखू । बूं फुक्क वाभः जुल । महज्जी
 चरम्सोमाय् थ्यन । नये-त्वने मखंसैलि घर्मप्रति सुयां मन
 मवन । दशाकुशल पापय् दुनावन सकलें । खःगु भिगु
 खँ न्यनेत थाकुल । मखूगु मभिगु मिथ्याचारपाखे या सा व्वां
 व्वां जुल । थःगु छँया कुलाचार यायेत तकं थाकुल । नित्य-
 कर्म याः मन्त । थूकथं देशय् ग्यानापुक हे अलक्षण वढय्-
 जुल । अथेनं जुजुयाके होस वःगु मखूत । चीधीह्य लानिया
 हाहालय् जक व्वांजुल ।

छु न अधिकार मदुह्य तःधीह्य लानि निम्बदेवी नगरय्

जनतां दुःख स्यूगु, हाहाकार जूगु, नये-त्वने मखंगु स्वये मफ-
याः दुःख तायेकाः ईश्वरयाके प्रार्थना यानाच्चन- हे देव !
जि प्रजागणयात याकनं भि-मिखां स्वयाः थुगु महादुःख मद-
येकाः उद्धार याना बिज्यायेमाल ।

हे आनन्द ! थुगु बखतय् सुखावति भुवनय् श्री जगत्-
गुरु अमिताभ तथागतं श्री करुणामयया लिसें सकल बुद्ध
बोधिसत्त्वपि, आर्यतारागणपि, बसुन्धरादेवी सहित सकसिगुं
स्वाः स्वयाः आज्ञा दयेकाबिज्यात- हे देवदेवी गणपि ! मर्त्य
लोकय् श्रीपुर घइगु नगरय् सूर्योदय जुजु चीधीह्य लानि
चूडदेवीया वशय् वनाः अकतंव्य यानाः थःपिनि जक स्वार्थय्
लीन जुयाः क्रूरतापूर्वक जनतायात त्वह मदु त्वह तयाः दुःख
कष्ट व पीर आदि बियाः अले छुं दोष मदुह्य तःधीह्य लानि
निम्बदेवीयात नं दरवारं अलग तयाः दुःख बियाः अत्याचार
राज्यभोग याना जूगुलि अन अनावृष्टि जुयाः अनिकाल जुल ।
प्रजागणं दुःख सियाच्चन ।

‘हे देवदेवीगणपि ! आः थुगु अवस्थाय् सूर्योदय जुजुयात
थुइकाः, प्रजागणपिन्त उद्धार यायेगु ई जुल । छिपि सु वनेगु
खः याकनं हुं, विस्तार यायेमते’ घकाः आज्ञा दयेकाबिज्यात ।
अमिताभ गुरुया आज्ञा न्यनाः श्री बसुन्धरादेवी थः च्वनागु
थासं दनावनाः श्री अमिताभ गुरुयात त्रिप्रदक्षिणा यानाः, ‘जि
वना। उद्धार याःवने’ घकाः बिनित यानाः सुखावति भुवनं
क्वहां बिज्यानाः तुषिताभुवनय् थयंकाबिज्यात ।

थुगु बखतय् तुषिताभुवनय् च्वपि देव, देवकन्यापिसं

श्री वसुन्धरादेवी विज्याःगु खनाः दण्डवत् प्रणाम यासे विन्ति
यायां घाल- 'भो देवी वसुन्धरा ! श्री जिमिगु माग्यं छलपोल
यात दर्शन यायेदत । आः जिम्त छलपोलयागु व्रत दना
भिगु लं वयनाः मन्त्रदान विद्याः घम याकाविज्याहुं । छलपोल
सदां थनहे विज्याहुं ' घकाः घाघां लुं व रत्नया सिहाशनर
विज्याकाः अनया सकसिन श्री वसुन्धरादेवीयागु व्रत धारण
यानाः वसपोलयागु मन्त्र कयाः, जप यानाः, मन्त्रसिद्धि लाका
सकलयात भि जुइगु महायान घर्म माग्यं न्ह्यानाच्चन ।

छन्हु तुषिताभुवनय् विज्यानाच्चपि वसुन्धरादेवीया सहा
यक सखिपि सकलं देवदेवीगणपिसं मर्त्यलोकय् श्रीपुर घइगु
देशय् जुयाच्चंगु पापकर्म व दुःख, कष्ट सियाच्चंगि मनूत
खनाः कन्नाचायाः दुःख जुयाः वसुन्धरादेवीयात विन्ति यात-
'हे वसुन्धरादेवी ! मर्त्यमण्डलय् श्रीपुर नगरया मनूत तस्व
गरीब जुयाः दुःख, कष्ट भोगय्यानाच्चन । थुमित उद्धाः
यायेमाल । याकनं थुमित उद्धार यानाविज्याहुं ।'

थः सखिपिनिगु विन्ति न्यनाः मर्त्यलोकया श्रीपुर नगरय
थःगु सुदृष्टि स्वयाविज्यात । अन तस्कं दुःखसियाच्चंगि खना
दया कृपा तयाः नन्दिमुख व अश्वघोषमुख धा.पि निह्य
अप्सरापि बबनाः श्री वसुन्धरादेवी मर्त्यलोकय् श्रीपुर नगरया
चरित्र सकभन स्वयेघुंसेलि नगरया पिने वांलाःगु छगु बगैचा-
या पुखू न्ह्यःने आनन्दं च्वनाविज्यात ।

थुगु बल्लतय् नन्दिमुख व अश्वघोषमुख घयापि निह्यं
सखिपिस विन्ति यात- 'हे वसुन्धरादेवी ! एव श्रीपुर घइगु

देश ला तस्कं बालाः, स्वःस्वःयाय् वर्गंचा पुख् आदि दयेकातःगु
दु । काचाक्क स्वयेबलय् स्वर्ग थें हे च्व, तर प्रजागणपिस
धाःसा तस्कं दुःख सियाच्वन । थुगु देशया जुजु सूर्योदय थः
चीधीह्य कलाःया वशय् लानाः घर्म त्वःमंकूगुलि व तःचीह्य
कला यात व प्रजागणयात नं दुःख कष्ट बियाः थः व चीधीह्य
कलाः जक मनमोजं च्वंच्वन । श्वहे कारणं यानाः देशय्
दुभिक्ख जुल, प्रजागणपिनि नये-त्वने मखन, पापचित्त ब्वलन,
ह'हाकार जुल, तःधंगु दुःख कष्ट सियाच्वन । थुमित उद्धार
यायेत छलपोलं जिमित व्वनाः तुगिताभुवनं थन विज्यात ।
आः थत्थें छलपोलं थुगु देशय् दुहां बिज्यानाः उम्त उद्धार
यानाबिज्याये ज्यामच्छि । उप्पि दुःखय् दुनाः पाप कर्म यायेगुली
लीन जुयाच्वने धुकूपि अज्ञानिपि खः । जिमित अह्यय् याना-
विज्याहुं । जिपि निह्यं वनाः जुजु व प्रजा सकलयात न्ह्यागु
कर्म यानाःसां छलपोलया शरणय् हयावी अले छलपोलं उद्धार
याये ज्याछिनी ।'

थथे थ. सखिपिनिगु वचन न्यनाः श्री बसुन्धरादेवी मुसुहुं
त्तिलाः आज्ञा जुयाबिज्यात— 'छिमिसं स्वयाः छु याःसा जी
उगु याना वा ।' थूलि घयाः बिदा वियाबिज्यात ।

नन्दिमुख व अश्वघोषमुख निह्यसिनं वसुन्धरादेवीयागु
आज्ञा शिरोपर यानाः श्रीपुर नगरय् द्वाहां वनाः 'आः थन
भीसं छु याःसा जी, छु यायेमाली' धकाः बिचाः यानास्वत ।

नन्दिमुखं अश्वघोषमुखयात घाल— 'आः थन भी निम्हं

तस्कं वांलाःपि मिसातय्गु रूप कयाः यइपुगु सलं वांलाक
सकलें वइग् थासय् च्वनाः मे हालाच्चवने ।'

निह्यसियां थःथवय् खंल्हावल्हा यानाः वसुन्धरादेवोयागु
सल्लाह लुमंकाः उपि निम्हं वांलाःपि मिसाया रूप धारण
यात ।

सुथसिया पहरय् तस्क वांलाःगु, यइपुगु राग तस्सः
यानाः मे हालाच्चन । सकल मनूत वइथासय् दुर्गाया स्थानय्,
भगवतीया पीठय्, देवालयस छह्यस्यां वीणा थानाः ताल
विल । मेह्य प्याखं हुल । मे हाल । सुथसिया इलय् श्रीपुर
नगरयापि मनूत गुलि चोके वःपि, गुलि तीर्थय् स्नान यायेत
वःपि सकसिनं खन । मोह जुल । अप्सरापि मे हालाः प्याखं
हुलाच्चंगु स्वयाः लथ जुल । अजूचायाः स्वःगु स्वलं जूल ।
सिक्वताक्वसिनं स्वःवल । स्वक्व मनूत चिलावने मफुत ।
सकस्यां नुगलय् उत्सुक जुयाच्चन- थपाय्च्वं वांलाःपि थुपि
सु जुइ ? छु याःवःगु जुइ ? लाःसा ध्वहे भगवती जकं पिहां
वःगुला मखुला धकाः नमस्कार याना स्वयाच्चन । संध्या ई
जूल । मन्त्री, भारदारपिसं नं स्वःवल । उपि नं मोहित जुयाः
लिहां वने मफुत ।

कयहं थें बहनी जूल । मन्त्री वनाः जुज्यात बिन्ति यात-
'महाराज ! भीधाय् देशय् अद्भुत जूल थौं सुथनिसें त्तिच्छि
जाल दुर्गा स्थानय्, भगवतीया चोगलय् निह्य तस्कं वांलाःपि
मिसात बयाः वीणा थानाः, मे हालाः प्याखं हुलाच्चन । थुपि
साक्षात् अप्सरा थें च्वं, स्व विज्याहुं । प्रजापि सकलें लथ

जुयाः स्वयाच्चन । जि न मोहित जुयाच्चना । थुलि बांलाःपि
मिस्त, बांलाक मे हालीपि, प्याखं हुइपि जि ह्लापा गुवले
मखना, थौहे तिनि खना । थुमिसं छु वयंवयाच्चन खः छु
मसिल । उम्त छलगोलं स्वयाः विचाः यानाविज्याहुं । दर-
वारय् सःताः खं न्यनाविज्याहुं ।

जुजुया मन चंचल जुल । स्वःवनेत तयार जुल । थुवल्य
चूडदेवी (चीचीह्य) लानिया नुगल्य हाकु थाःगुया कारणं
थः स्वामीयात स्वयाः गन- 'स्वामी ! वहनी जुल । पिहां
विज्यायेमते, मे हालाः, प्याखं हुलाः नइपि भिपि मिस्त खइ-
मखु । उकि ययःह्य जुइव्यु थुपि थःथःगु माःमाःगु लंपु लिनाः
वनी । छाया विज्यायेगु ? जि छवयेमखु ।' थुलि खं न्यनेवं
जुजुया मतिइ 'ख ला खः' घइयें जुल । मवनेगु मती वन ।
मन्त्रीयात लितछवयाबिल ।

मन्त्रीयात लित ला छवत । तर जुजुया नुगल्य पीर
दनावल । शोकं व्याप्त जुल । भसुकाः पिदन । स्वाः ख्युंया-
वन । वया मनय् थथे च्वन- 'थौ अचानक तस्कं बांलाःपि
मिसात निह्य वयाः मे हालाः, प्याखं हुलाः, जिगु देशय्
छु याये घकाः वःपि जुइ ? भिगु याःवःपि खइमखु । आः छु
यायेमाली ? गथे याये ? छु छु जुइगु खः ? ज्योतिष कयना
स्वये मालीगु खःला ? उरि प्याखंगवःत स्वयाः जितः भि
जुइमखु । दरवारय् हयाः नं कल्याण जुइमखु । जितः मभि
याःवःपि जि छाया स्वःवने ? थःथःगु लंपु लिनाः माःमाःथाय्
वनी ।' मती चिन्ता यानाः जुजु अर्थतुं च्वन । लिवायेधुंकुसेलि

प्रजापि न सकलं यः यः गु ठेयं लिहां वन ।

चाह्य जुलं न अन जुजुया छुं खबर मवसेलि अप्सरा
निम्हं अनसतुं वास यात । कल्य सुयय जुल । नन्दिमुखं अश्व-
घोगमुखयात घाल- 'ध्व देशया जुजु ला पिहां हे मवल,
छुयाये ? भीसं थये मे हालाः प्याखं जक हुलाक्यनां भीगु
ज्या सफल जुइमखूत । ध्व जुजुयात ला अंकुशं वयकाः सालाः
न्वल घिनाः ल्हनाः स्वर्गं छवयेमाः ह्य जुयाच्चन खनि । गुलि
बुद्धि हीनह्य घाये, व जुजुयात उद्धार याये घकाः भीपि यन
वयाच्चना, व ला पिहां हे मवः । अमृतयात नं विष भाः पाः
च्चनीह्य, बिषयात अमृत भाः पाः च्वनीह्य जुयाच्चन खनि व ।
चीवीह्य कलाः या मतिनां भूचाः ह्य खनि व । आः भीपि थवे
च्चनां मजिल ।

पासा ! आः भी निम्हं ग्यानापुपि बंडेलया रूप धारण
यानाः जुजुया दरवारय दुहां वनाः वया यः गु वांलाः गु बगैचाय्
उत्पात यानाः स्यंकः वने नु ।'

श्री वसुन्धरादेवीयागु ज्या पूवकेगु लागि निम्हं अप्सरा-
पिसं नं सल्हां ववः ज्यूगु खंकथ बंडेलया रूप कयाः जुजुया
लाय्कूदुनेया बगैचाय् ग्याना-ग्यानापुक हालाः भयङ्कर युद्ध
यानाच्चन । लाय्कू चाचाः हुलाच्चन । सुयबस्त्रि अथे सना
जुइवुनेवं निगूगु प्रहर जुसेलि वगैचे खनाः ग्यानाः जुजुया-
थाय् विन्ति याः वन ।

—'महाराज ! भीगु दरबारय् ग्यानापुपि निह्य बंडेल

दुहां वयाः घोर शब्द हालाः त्वानाच्चन । भीगु बगैचाया
 स्वांमा सिमा थाक्व नष्ट यानाविल । अन सकलें ग्यानाच्चन ।
 महाराज ! अन थर्थें सैन्यत, प्रजागणपि सःताः ध्वपि निम्हं
 बंडेलत थीहे याकनं छलपोलं स्यायेगु स्वया बिज्यायेमाल ।
 मखुसा थुमिस सर्वनाश याइ ।'

वगैचेयागु खँ न्यना ववथाय् जक च्वनाच्चंहा जुजुया
 मतिइ त्रास उत्पन्न जल । 'ह्लित्थं जि ववथाप्वालय् जक
 च्वनाच्चनां मजिल' भाःपाः थःहे वनाः स्वःवन । सिंह समानं
 हालाः त्वानाच्चपि बंडेलत खनाः जुजुया तहं पिहां वल ।
 उम्त स्यायेगु इच्छा यानाः धनु व बाण कयाः मन्त्रीयात सःताः
 घाल । 'हे मन्त्री, हे सैन्यमणपि ! छु स्वयाच्चना छिम्सं ?
 याकनं शस्त्र अस्त्र पिकयाः थाय्थासय् पाः च्वं । अचानकं
 लाय्कुली दुहां वयाः त्वाःवःपि, बिघ्न याःवःपि निम्ह बंडेलत
 स्यायेमाल । थुमित मस्यासे जि त्वःतेमखु । उम्त याकनं घेरा
 व्यु छिम्सं ।'

पूर्वयागु ध्वास्त्राय् जि च्वने, दक्षिणय् मन्त्री व अमात्य-
 गणपि च्वं, पश्चिमय् सैन्यत च्वं, उत्तरय् मेपि प्रजागणपि
 च्वनाः घेरा व्यु । होत या, थुपि बिस्युं वनी । गुगु दिशां
 विस्युं वनी उगु दिशाय् च्वंपिन्त घोर सजाय जुइ ।' जुजुया
 थुगु आज्ञा न्यनाः सकलें ग्यानाच्चन । ग्याग्यां घेरा बिया-
 च्वन ।

ह्लापां जुजुं बाणं कयेकल । सकसिनं बाजं थानाः हाःहू
 यानाः लाय्बुयाः बंडेलतय्त स्यानाच्चन । बराहरूपि देवी-

पिसं थःपिन्त घेरा बिचाः रूयानाह्याच्चंगु व प्रजापिसं दःख-
सीगुयात नं बिचाः यानाः सकलें बेहोष जुइकथं हालाः गुलि
सितं कय्पुयाः, गुलिसितं ध्वानाः जृजु च्वंगु पूर्वयागु ध्वाकां
तिन्हयाः सकसिनं खंक बिम्युं वन ।

सूर्पोदय जुजुया तहं थातय् मलात । सल ह्यय् च्वनाः
वाणं कय्कुक्कय्कुं मन्त्री, सैन्य व प्रजागणपिलिसे ल्युवन ।
वाण उम्त छथु हे लाःगु मखूत । अथेन तंया आवेशं शस्त्र
प्रयोग यायां लिनावनाच्चन । मन्त्री, सैन्य, प्रजापि सकलें
त्यानुचायाः लिहां वन । जुजु व श्येन नांहा मनू जक थुगुहे
कथं वंव वहनो जुल । उपि तापाकक छगू वनय् थ्यन ।

गुंइ दुने ध्यंसैलि बंडेल निहां थःथःगु भेषय् वयाः श्री
वसुन्धरादेवोयाथाय् वयाः अन जृजुगु सकतां खंया लिसें सूर्पो-
दय जुजुयात पित व्वनाह्यागु खं व्याकक विन्ति यानाः छख
आनन्द च्वनाच्चन ।

चाह्लय् गुंया दत्थुइ लामैलि लंपु दापा जुल । अन वने,
थन वने मसिया सलह्यं कुहां वयाः सिमाक्वय् वासं च्वन ।
'थुपि सु जुइ ?' आःइलय् निहाचा जक गन वनेगु ? नये न
पित्याः थें च्वयावल । बंडेल निहा गन वन जुइ ? उलिमछि
कयेकां नं छथु वकाः हे लाःगु मखू' आदि खंय् सहलह यायां
जुजुं श्येनयान व ल- 'श्येन, जि तस्कं लः त्वने प्याय्चाल,
नये नं पित्यान् रु गनं वनाः लः छक्कवः मालाहचि हुं ।'

जुजुया लजकथं श्येनं लः माःवन । लें दुनाः अन वने,

धन वने मसिषाः मखु-मखुगु यासय् ला.वन । लः लुइके मफु ।
सुथय् जुल । श्येन मनूत सुं वने मफुगु मुरनदी ध्यन ।
लाय्कूया सुखभोग लूमकाः लः हइ, लः त्वने, प्याय्चाः लके
धकाः जुजुया आश यानाः मियाच्वन ।

लः माःवंहा श्येनं खुसि खंसेलि आनन्दया अनुभव यात ।
खुसिइ वनाः स्वत । मनूत सुं छहा हे मखंसलि भचा गयाः थ
चिकु थे जुयाः हा जिरिङ्ग च्वकाच्वन । अथं जूसां थव खुसिइ
छववः म्वःलहुये घकाः मतिइ तयाः खुसिइ वनाः म्वःलहुल ।
सःसःगु स्तुति नं यानाच्वन ।

थुगु इलय् श्री वसुन्धरादेवीयागु व्रत दनेत ह्यासुगु वसतं
पुनाः स्वर्गं थुगु खुसिइ ववहां वःपि अप्सरापिसं श्येनयात
खनाः अजूचायाः न्यन- 'छ सु? गनं वयाहा ? धन मनूत सुं
थये मफुगु यासय् छ गथे वया ?'

थव इलय् श्येनं अप्सरागणपिन्त खनाः प्रसन्न जुयाः नम-
स्कार यानाः उमिसं न्यंगु न्ह्यसःया लिसः थुकथं बिल- 'जि
त्रैलोक्यय् नांजाःहा जुजु सूर्योदयया सेवक श्येन नांहा खः ।
जिगु भाग्यं थौं छलपोलपिन्त दर्शन याये दत, छलपोलपि धन
छु यायेत विज्याना ? जितः कनाविज्याहुं ।' थुलि घयाःलि
यः धन गथे जुयाः ध्यन घइगु व्यावक खं अप्सरागणपिन्त कन ।

श्येनया खं न्यनाः अप्सरापि मध्यय् मुख्यह्य कन-

'अय् मनू ! जिपि श्री वसुन्धरादेवीया भक्तपि खः ।
वसपोलयागु तिलाव्रत दने घकाः थुगु खुसिइ वयापि खः

जिपि । जिमिसं दनेगु व्रत छं स्वयाच्चं । श्री देवीयागु प्रसाद
विद्याछ्वये । छंय् वनाः छं नं व्रत दं । जुजुयात न व्रत
दंकि । श्व पुण्य देशय् उपश्व नाश जूइ । सुभिक्ष जूइ । रोग,
दुःख, दारिद्र्य फुनावनी । अष्ट महामय तरयजूइ । सप्त
ऐश्वर्य वृद्धि जूइ । महामङ्गल जूइ, कल्याण जूइ, दशाकुशल
पाप नाश जूइ । शान्त स्वरूप जूयाः धर्मचित्तहा जूयाः सुखि
जूइ । लिपा वसपोल श्री वसुन्धरादेवीया भुवनय् वास लाइ ।
जूजुयात श्व खं न्यंकि । छिमिथाय् देशय् उत्पात जूयाच्चगु-
यात दिकेत वीणा यानाः, मे हालाः, प्याखं लूवयाच्चपि,
बंडेलया रूप कयाः त्वाःवयाच्चपि मेपि मखु श्री वसुन्धरा-
देवीया हे सेवकपि खः । छिमिसं मथुल । श्व फुक्क जूजुयात
कनाः श्री वसुन्धरादेवीयागु व्रत याकनं दंकि' घकाः उपदेश
विद्याः उगु खुसिइ म्वःलूयाः, तिलान्नत दनाः विसर्जन याये
वुंसेंलि ह्यासुगु स्वां, सिसाबुसा, महिचहि आदि प्रसाद विद्याः
लित छ्वयाहल । थःपि नं स्वर्गय् लिहां वन ।

इयेन न जूजू च्वनाच्चंगु थासय् थ्यंकाः अप्सरापिसं
विद्याहःगु प्रसाद देछाल । लः नं विल । अले लः माःवना-
वल्य- सुरनदी थ्यंगु व अन स्वर्गं अप्सरापि वयाः श्री
वसुन्धरादेवीयागु तिलान्नत दंवःगु आदि खं व कनाहःगु खं
जूक्क कनेघुनेवं इयेन हानं घाल - 'जि अन च्वनाः व्रत दनेगु
इच्छा जूगु खः तर छलपोलयात लः त्वंके मफइगु घन्दां लिहा
वया ।'

इयेन हःगु प्रसाद भोजन यानाः लः नं त्वनेघुंमेलि मुर-

नदी स्वयेगु इच्छां श्येनलिसें वन । तर अन सुं मदयेधुंकल ।
 अन सुं मदुगु खनाः जुजुं नुगः मछिकाः थःगु जन्मयात
 धिक्कार यायां घाल- 'धिक्कार खः जिगु जन्म नं । लातले
 भाःपे मफु, मलाकाः भाःपे माल । न्ह्यात्थेसां, ध्व अप्सरापिसं
 छन्त घयाह्थे लाय्कुली वनाः याकनं श्री वसुन्धरादेवीयागु
 व्रत दंवने नु, थन विस्तार यानाच्चने मखुत आः ।' थुलि
 धयाः स्वां सिल्लः ज्वनाः निह्यं थःगु दे श्रीपुर नगरय् थ्यंकः
 वल । मन्त्रीसहित सकल प्रजागणपि मुंकाः थःपिन्त जूगु
 अनुभव फुकं कनाः चित्त बृभय्याकल । थःपिसं श्री वसुन्धरा
 देवीयागु व्रत दनेगु ववःछिनागु खं घोषणा यात । प्रजागणपिसं
 नं थःपिनि छेय्, विहारय्, देगलय्, खुसिइ वा तीर्थय् गनं नं
 च्वनाः श्री वसुन्धरादेवीया व्रत दनेत उजं विल । खर्च मदु-
 पिन्त खर्च वीगु नं यानाबिल ।

जूजुया तस्कं ययाच्चंहा चीर्घाहा लानि चूडदेवीया
 ववथाय् वनाः आराम यायां कलाः भाःत निह्यस्या खं जुल-
 'यःह्य मय्जु, आः भोसं श्री वसुन्धरादेवीया व्रत दनेमाल ।
 छं नं मन शुद्ध यानाः तिलाव्रतय् वांलाक मन विद्याः भवित-
 भाव या ।'

थथे थः स्वामीया वचन न्यनाः कुमतिह्य लानि विन्ति
 यात- 'प्रभु स्वामी ! छःपिनि यःह्य जि खःसा जि छगु विन्ति
 याये, छलपोलं न्यनाविज्यायेगु खःला ?' थः लानिया वचन
 न्यनाः जुजुं लिसः बिल- 'प्रिय ! छ भाय्प्वः जितः यःह्य
 मेह्य सुं मिसा मदु, उकिं छु घायेत्यनागु खः धा, जि सत्यन

पूरा यानात्रीगु जुल ।' जूज्यात सत्य वाचा ह्लाके वुंसलि
दुर्मतिह्य चूडदेवीं विन्ति यात- 'छलपोलं श्री वसुन्धरादेवीयागु
तिलाव्रत दनेगु इच्छा यानाविज्यात । थव व्रत दनेदलय् छल-
पोल तःधिकःह्य लानिनाप चवनीगु जि गथे सहायाये फइ ?
गथे यानाः स्वये फइ ? छःपि व जि न'पं चवनाः व्रत दनेत
निम्बदेवीयात दरबारं पितिनाः वनवाम ल्वया विज्यायेमाल ।
थन दरवारय हे तथाः भीसं व्रत दनसा भीत भि जूइमखु,
तःधीह्य दतले जि चीवीह्य छःपिनाप चवनाः व्रत दने दइ नं
मखु । सत्य वचन घइगु तःघं उकि छलपोलं थुलि याना-
विज्याये माल । थुलि जुल घाःसा जिगु मन नं चवकनी । नत्र
जिगु मन ववतुनाचवनी ।' कुमतिह्य लानिया खंयात खःभाःपाः
त्वह मदु त्वह तथाः तःधीह्य लानि सःतके छवयाः घाल-

-अय् पापिष्ट निम्बदेवी ! छ थन देशय् चवने मदु,
तापाःगु वनय् वनाः च्वंहुं । छ यःपि पासापि ज्वनाः वनय्
वनाः वास या हुं । थव जिगु आज्ञा खः उल्लङ्घन याये दइ
मखु । यदि जिगु खं मन्यन घाःसा छ तच्चःगु सजाय फये-
माली ।' थः स्वामीयागु छाःगु वचन न्यनाः निम्बदेवीया चिमिसं
तिति स्वात । ह्य फिफिर खात । ग्याग्यां मिखां ह्वबिघाः
हायेकाः स्वामीयात अनियानाः खाखातूगु सलं विन्ति यात-

- 'स्वामी ! महाराज ! जिगु अपराध जा छुं मदु अथेसां
जिगु कर्मया भोग वा पूर्वजन्मय् यानावयागु पापकर्मया भोग
जा यायेहे माः उकि छलपोलयागु वचन शिरोपर यानाः जि
वनवासय् वनेगु जुल । तर जिगु छगू निवेदन न्यनाविज्याहुं-

प्रजागणपिन्त थ हे मस्त भा.पाः रक्षा यानाविज्याहुं, धर्मचित्त
यानाविज्याहुं । चोघीह्य लानि चूडदेवीयात बांलाक बिचाः
यानाः तयाविज्याहुं, वयात दुःख बियाविज्यायेमते । जि पापी
वने ।'

थुलि घया.लि थः स्वामीयात प्रदक्षिणा यानाः प्यह्य
सखिपिं व्वनाः निम्बदेवी लानि लाय्कूया पूर्वपाखेरया ध्वाखां
श्रीपुर नगर त्याग यानाः वनान्तरे वन । वनय् थयंसेलि
भिखाचाछं छ्वा दयेकाः न्याह्यं अन च्वनाः माःबलय् माः
कथं व्यवहार हनाः धर्म कर्म आदि यानाः मंत्रीचित्त यानाः
दुथे फुथे यानाः जीवन हनाच्चन ।

श्रीपुर नगरय् नगरवासी जनताया नये-त्वने म्खनाः
हाहाकार जूगुली न हानं निम्बदेवी लानियात छ् खं म्दयेकं
पितिनाछ्व.गुलि तस्कं दुःखतायाः अपशोच यानाच्चन ।

छु दिन वन । लाय्कुली ब्रत दनेगु ग्वसाः ग्वल । लाय्-
कुली फयांफक्व छायापा तयाः हर्ष यानाः विधिकथं सकतां
पाय्छि जुइक ज्वलं खाका.लि भाद्रकृष्णया द्वितीयाकुन्हु गुरु
पुरोहित सकलं मःताः श्री वसुन्धरादेवीयागु ब्रत दनेत मण्डः
दयेकाः फुक थापं सिधयेकाः पूजा यात । चान्हय् मत छ्वयेकाः
गुरुया वचन न्यनाः आनन्द यानाच्चन । कल्लय्कुन्हु ह्वापां
तीर्थय् वनाः म्व ल्हुयाः नीची यानाः मयादिनाक्रमकथ कथहंक
च्चनाः श्री वसुन्धरादेवीया ब्रत विधिकथ शील कयाः महा-
यानधर्म कथं घलं दनाः पूजा यानाच्चन ।

पूजा सिधल । चूडदेवी दनाकथं ववथाय् वयाः मनमनं
 खं ह्लाकाच्चन- 'गज्याःगु व्रत जुइ थ्व ? अक'लय् नये मज्यू,
 ह्यासुगु व्रत सूत्रका ह्लातय् चिनाततले मखूगु खं ह्लाये
 मज्यू, तिसां ती मज्यू, मे हाले मज्यू, प्याखं ल्हुइगु व वाजं
 थाये मज्यू । ततःजाःगु लासाय् छने मज्यू हें । जि थ्व
 नियमय् च्वने मफु, जितः थःयःगु घाक्व जि गथं स्वःते फइ ?
 जि थ्व सूत्रका नं चिनातये मफु । थ्व का छपु मदया छु हे
 पाइगु खइ ? मदयेकं मगाःगु न खइमखु, छु यायेत ज्यूगु
 घकाः थ्व ?' यथे बिचाः यायां तं पिकयाच्चन ।

अले दुर्मतिह्य लानि रक्षा सूत्रकायात थःयम्हं चफुनाः
 इयालं वांछ्वत । 'आः न्ह्यागु याःसां जिल' भाःपा यगु नयाः
 थःय थें सनाः मस्ति यानाजुल ।

उगुहे अवसरय्, व्रतया दिनय् वनय् च्वं ह्य निम्बदेवीं लाय्-
 कुली उत्सव यानाः चलं दगु खं न्यनाः नुगः मछिकाः थः
 सखिपि निह्यसित लाय्कुली छ्वयाः थः स्वामीयाके विन्ति
 यानाः श्री वसुन्धरादेवीयागु तिलाव्रत दंगुया स्वां, प्रसाद व
 भोजन पवंके छ्वत । व्रत दंगु सियाः थः नं अवसं च्वंच्वनागु
 खं कंसे विस्तार मयासे याकनं वनेत धाल । निम्बदेशीयागु
 आज्ञाकथं प्रसाद काये घकाः वंपि उपि निह्य सखिपि बहनी
 जुइवं लाय्कुली ध्यन ।

निम्बदेवीया सखिपि वःगु यानंनिसें खनाः चूडदेवी-
 'थन बयेमते, यत्थें लिहां हुं' घकाः गनाबिल । निम्हं सखिपि
 लाय्कुली यहाँ वने मखनाः उखेथुखे स्वया जूगु इलय् वांछ्व-

यानःगु व्रत सूत्रका खन । उकियात कथाः स्वसेलि वज्र गथि-
 चिनात.गु का खनाः व्रत सूत्रका घकाः ह्यसीकाः थव भीगु
 भाग्यं लूगु भाःपाः कथाः 'थ्वहे सां यंकाः बी, चूडदेवीं खनाः
 भी तलय् जुजुयाथाय् थहां वने मखं छुयाये ? घकाः थः
 थवय् खं स्नानाः मेगु वांछवयातःगु स्वां, जाकि, सिल्लः दक्कं
 मुनाः छगु थलय् तथाः ज्वमाः लिहां वन । निम्बदेवी-
 यात थःपिसं ज्वनावयागु प्रसाद व्युसे लाय्कूया व्यावक खं
 कन ।

निम्बदेवीं प्रसाद कथाः स्वयेवं हे थ्व व्रतयागु रक्षा सूत्रका
 घकाः सीकाः प्रसाद ग्रहण यात । मनमनं घाल- 'हे बसुन्धरा-
 देवी ! जि छलपोलया व्रत दने मखसां प्रसाद कायेदत ।
 छलपोलयात सलंसःववः प्रणाम दु । थःगु कर्मया भोगं वनय्
 च्वनेमाल, जि पापी अनाथया रक्षा यानाविज्याहुं । जि नं
 थ्व व्रत दने फयेमा ।' थुलि प्रार्थना यानाः थः सखिपिन्त
 घन्यवाद देछायाः लसतां मन स्वां ह्वयेकाः परमेश्वरी लुमका-
 च्वन ।

थुगु वखतय् श्री बसुन्धरादेवी जियथिचा (बृह्मिचा)
 जुयाः म्वाथ.गु वसतं पुनाः स्वये हे मछालापुसे च्वंगु भेषय्
 लाय्कूया लुखाय् वयाः घाल- 'अय् द्वारपालपि ! जि चूड-
 देवीया मांया नं मां, अजिमाजु खः । थौं थन घलं दनाः लसता
 हंगुलि छुं नये-त्वने दइला वकाः चाह्लय् जूसां चूडदेवी लानी-
 यात नापलाये घकाः वया । जिगु खबर थ्यकाव्यु' घकाः
 हालाच्चन ।

थूगु इलय् जुजुया व्रत दनागु थासय् च्वनाः मत छ्वयेकाः
तुतः च्वनाच्चन । महारानी थः पासापिलिसे ख्याःयानाच्चन ।
द्वारपालं बृह्मिह्य मनुखं घाःगु सूचं व्यूवल । लानि ड्यालं
क्वस्त्रयाः थत व्वनाहयेगु उज बिल । बृह्मियात दृने व्वना-
यन । लानि क्वहां वयाः स्वल । स्वयेहे मज्यूम्ह, व ख्वाः
ध्व ख्वाः मदुह्य बृह्मि खनेवं मछालाः, लज्या चायाः घाल-
'छ सु ? जि अजि घायेमाःपि सुं मदु । छ जिमि अजि मखु ।
छु याःवयागु छ ? छ थथ्ये हुं छ, याकनं हुंहे हुं । मखुसा
छं कसा नयेमाली ।' आदि अनेक निन्द्राचर्चा यानाः महान्तयन
घयाः पित्तिके बिल । महान्तसे लानिया उजंकथं बृह्मिरूपि
देवीयात ध्वातुध्वानाः हत्तूहकाः पित्तिनाहल ।

चूडदेवीं याःगु व्यवहार स्वयाः वनय् च्वंह्य, दुःखिह्य
लानि निम्बदेवीयाथाय् वनेगु मनंतुनाः दु खसियाच्चह्य निम्ब-
देवीयात उद्धार यायेत ध्वहे बृह्मिया रूपय्तुं वनय् निम्बदेवी-
या भिखाचाय् वन । छेँक्वय् च्वनाः थसुथसु मुसुतयाः वयना-
च्चन । चेटिनीनं— थज्याःगु चाय् थूइलय् थसुथसु मुसु तया-
च्चंह्य सु घकाः स्वःवःगु इलय् बृह्मिह्य छह्य मनू खनाः
छेँचाय् दुत व्वनाः लानि निम्बदेवीयात सूच व्यूवन । लानि
क्वहां वयाः स्वःवःबलय् तस्कं उमेर वनेघुकूम्ह बृह्मिह्य अजि-
माजु खनाः आदरपूर्वकं ल्हाः ज्वनाः थत व्वनायन । लासाय्
पयतुकल । नाय्गु सलं अजिमाजुयाके थज्याःगु चाय् दुःख-
सियाः थनध्यंक वयेमा गु कारण न्यनेकने यात । 'अजिमाजु !
छःपिन्त छु सेवा यायेमाल ! जिमिसं पुगु यायेगु जुल, आज्ञा

जक जुयाबिज्याहु' घकाः आदरभाव वयंगु खनाः बृहिरूपि
 श्री बसुन्धरादेवी लयतायाः आज्ञा जुयाबिज्यात- 'लानि
 निम्बदेवी ! छ घन्य खः, छ खनाः जि तस्क लयतायेधून ।
 छंगु शोल स्वभाव खनाः जि सन्तुष्ट जुइधून, जि अजिमाजुया
 रूप कयाः चूडदेवी नापलाः वना तर वं जितः नाले मछालाः
 ब्वःबियाः महांतयत्त उजं बियाः पतिनाहल, उकिं जि थन
 छंथाय् वयागु खः । जि मेपि सुं मखू, बसुन्धरा घयाह्य
 देवी जिहे खः ।' थूलि घयाः श्री बसुन्धरादेवी थःगु रूप
 दर्शन बियाबिज्यात ।

निम्बदेवीं पाय्छिगु आदर सम्मान याना देवीया पालिका
 भवपुयाः सखिपि सहित च्वनाः थःगु दुःख विन्ति यात । श्री
 बसुन्धरादेवीं निम्बदेवीयात जुजु वइगु, जुजुलिसे च्वने दइ-
 तिनिगु भविष्यवाणीया लिसें 'सप्तवृद्धि पूर्ण जुइमा' घकाः
 आशीर्वाद बियाः 'जिगू व्रत थः स्वामीलिसें दे' घकाः आज्ञा
 जुयाः अन्तरध्यान जुयाबिज्यात ।

लानि निम्बदेवी थः सखिपिलिसे लः कायेत पिहां वन ।
 खुसिइ भ्वःलुह्याः, ह्वाः सिलाः छेय् लिहां व ह्य लानि
 भिक्षाचा छगुलि हे श्रीपुर नगरया लाय्क् समानं खनाच्चन ।
 दुहां वनाः स्वःगु वखतय् मदु घइगु छुं हे मदयेक पूर्ण जुया-
 च्वंगु खनाः अजू चायाच्चन । श्री देवीया कृपां दवव सुख,
 ऐश्वर्य व आनन्दय् च्वनाच्चंगु खँ सूर्योदय जुजुं सियाः थः
 तःधीह्य लानि लुमनावयाः याकनं कौमारीपूजा ववचायेकाः
 मन्त्रीसहित गणपि मुंकाः निम्बदेवी च्वंगु वनय् थ्यंकः वन ।

थः स्वामी जुजु विज्याः गु लनाः तस्कं जयतायाः हथापयासं
लं स्वः वनाः नापलाकाः तुति म्वपुयाः थः गु आश्रमय् व्वना-
यनाः माः गु हनावना यासे वनय् जुजुव खं विन्ति यान् ।

दक्व खं न्यने धुंकाः जुजुया मन उयलपुयल जूल ।
चीघीह्य लानि चूडदेवीया कुकर्तव्य व दुर्मति यानाः पलाः
पतिकं द्व काच्चनागु व श्री देवी वसुन्धरा लायकुली थ्यक वलं
नं दर्शन याये मरुंगु सियाः पश्चात्ताप व शोकं जुजुयात
व्याकुल यानाविल । चूडदेवीया बुद्धिद वनाः निम्बदेवीयात
वनवास छ्वयाहयागुलिइ जितः क्षमा या, छ घन्य खः ।
छंगु नुगः पवित्र खः उकि छन्त श्री देवीया दर्शन लात, आः
जि छलिसे घलदनेगु इच्छा जुल' घकाः जुजुं थः गु नुगः-खं
प्वंकल ।

'परमेश्वरी वसुन्धरादेवी ! जितः दर्शन बिषाविज्याहुं,
जि थन च्वनाः हान व्रत दनेत्यना' घकाः प्रार्थना यासे कह्लय्-
कुन्हु सकल प्रजागणपिलिसे' गुरुमहित व्वनाः, मन्दः च्वयाः
पूजाया सारजाम दक्वं ताः लाकाः माः गुतक यानाः व्रत दनेत
तपारी यानाच्चन । थ्व खं चूडदेवीं सियाः तमं मि जुयाः
थः न्ह्यथु निम्बदेवीया आश्रमय् वनाः पूजा-ज्वलं दक्व प्वानाः
घाराघुरु यानाविल । नीची यानातः गु फुक्क थासय् थुथु
यानाः ई फानाविल । निम्बदेवीं शान्त जुइत इनाप यायां
जुजुयात न छु हालाबिमज्यायेत बिन्ति यानाच्चन । थुगु पह-
चह खंखं सकल जय. जुयाः, वाताहां च्वनाः स्वयाच्चन ।

उगु पापया कारणं चूडदेवीया म्हुतु मनावयाः फाया

त्वाः थं जुयाः बेरुप जुल । भयङ्करगु रुवाः जुयावःगु खनाः,
 स्वयाः थःथह्यं मछालाः, वनय् बिःयुं वन । वनय् च्वनाः
 पश्चात्ताप यानाः स्वयाः श्री वसुन्धरादेवीयात लुमकाच्चन ।
 युक्थं नुगः दायाः स्वयाः वनय् श्री वसुन्धरादेवी नापलायेगु
 आश यानाः वनावं च्वंगु वखतय् अन लंरुइ पुखू निगू त्वाना-
 च्वंगु खन । प्याय्चागुलि अनया लः त्वने धकाः लः थ्यूवनेव
 पुखूलि थथे स्वयाः हालाः वनय् वयागुया कारण न्यन ।
 फात्वाह्य चूडदेवी लानि 'जि पापिनोया पाप फुकेया लागि
 श्री वसुन्धरादेवी नापलाये धकाः वया' धयाः थ गु वृत्तान्त हां
 कनेवं पुखूदुनेया सर्पतसें घाल- 'वन्य खः जिमि भाग्य, थो
 तःधंगु भाग्यं जिमिमं छन्त व्वदुल, वसपोल श्री वसुन्धरादेवी-
 याके जिपि निह्य पुखूदुने कालसर्प जुयाः त्वानाच्चनेमाःगु लु
 पापं यानाः धकाः न्यनाय्यु, अले जिम्त छववः व हां कवा'
 धकाः ज्या व्वया हःगुलि अजूचायाः वयाच्चगु इलय् फास्वाः
 जुयाच्चंह्य प्रेत छह्य खन । सूचीमुख जुयाच्चंह्य (म्हुतुप्वाः
 चोप्वाः, प्वाः तग्वःह्य) प्रेत छह्य न नापलात उमिसं न उक्थ
 हे थःथःगु दुःख भोगया कारण श्री वसुन्धरादेवीयाके न्यनाः
 'जिम्त छववः कंवा' धयाः ज्या व्वयाहल । व फुवक खं
 लुमंकाः वंनावं च्वंगु वखतय् गनं वः गनं जुइक कालसर्प छह्य
 वयाः चूडदेवी लानियात न्यायेत लित्तुलिना जुल । आखिरय्
 लानियात व्वदुइकाः रुवाल्य घसय्यानाः बेहोश यानाविल ।
 गबाय्त जाय्काः होशय् वसेलि बलूहुं दनाः मन खिन्न यानाः
 हानं मेगु थासय् वनेत वनावं च्वंवल्य लंय् खुसि छगू व्वदुल ।

खुसिइ बनाः लः त्वने घकाः बवस्वःवल्य् खुसिइ थःगु ख्याः
 फात्वाःगु मखनाः वांलाःगु रूप खमाः तसकं सय्ताल । 'घन्य
 खः श्री वसुन्धरादेवीया कृपा' घकाः मनं भालपाः बनावं
 च्वंवल्य् लंय् हिंसिमा छमा ब्वदुल । उगु हिंसिमाय् सयाच्चंगु
 हिंसि छगः खाये घकाः ह्लाः यखायेवं हिंसिमां घयाहल-
 'अय् पापिष्ट मिसा, छंगु ग्रामु अशुद्धगु ह्लाःतं जितः पीमते ।
 जि थह्यं हे छंगु ह्लाःतय् कुतुकाहये, फया का' हिंसिमाया र्हा
 न्यनाः चूडदेवीं ह्लाः फल । हिंसिमां थःगु सि छगः कुतुका-
 विल । खानि हिंसि फयाकाल । थुगु हिंसिया प्रभावं चूडदेवी
 याकनं हे सुरनदी थ्यंकः वन । अन खुसिइ तसकं बांलाःह्य
 अप्सरा छहा लुंयाघः व्यकुंच्यानाः वयाच्चगु खन । थ्व खनाः
 चूडदेवीं अजूचायाः अप्सरायात स्वयाः न्यन-

- 'अय् सुन्दरी ! छि गन भायेत्यना ?

- 'श्री देवी वसुन्धराया व्रत दनेत वनेत्यना, छ सु खः?
 गनं वयाह्य ? खाय्, छु कारणय् थन वयागु ?' आदि र्हा
 अप्सरां नं न्यन । चूडदेवीयात अगःचा मासां देगः हे लूथे
 जुयाः तस्कं सय्ताल अले अप्सरायात थःगु परिचय बिल ।

- 'जि श्रीपुर नगरया जुजु सूर्योदयया चौघोह्य खानि
 चूडदेवी घइह्य पापिनी खः । जि थन श्री वसुन्धरादेवीया
 दर्शन याये दइला घइगु आशं वयाह्य खः ।' घकाः मिसां
 ख्वत्रि हायेकाः थःगु र्हा व्यावकं कन ।

दवव खं न्यनेधुनेवं अप्सरां चूडदेवीयात थःलिसें ब्वनाः

व्रत दनेत सकल अप्सरापि मुनाच्चंगु थासय् तक ध्यंकाविल ।
 थ्व फुक्क खनाः लय्तायाः चूडदेवी नं अनहे च्वनाः व्रत दन ।
 थह्यं यानागु दक्क अपराधया लागि क्षमा पवनाः शुद्ध चित्त
 यानाः श्री बसुन्धरादेवीयाके जक चित्त स्थोर यानाः व्रत
 दंगुलि श्री देवी लय्तायाः व्रत दनाच्चंगु थाय्पा मण्डलं प्रकट
 जुयाः दक्क पाप क्षमा यानाबिज्यात न्ह्यथुह्य निम्बदेवी थें
 धर्मचित्त यायेगु उपदेश नं बियाबिज्यात । श्री देवीया उपदेश
 न्यनाः हानं चूडदेवीं थःत लय् न्यनाहःगू खं फुकं कथहन श्री
 देवीयाके 'थ्व छु जुयाः जुल ?' घकाः विन्ति यासेलि देवी
 आज्ञा जुयाबिज्यात-

- 'ह्लापा मनूया जन्मय् तता केहें निह्यसिया नये-त्वने
 त्यलकि मति मभिकाः संपुपुं त्वाइगु व सर्प जुयाः जन्म काः-
 वनेमा घकाः सराः विइगुया दोषं थों वयाः पुखुलिइ कालसर्प
 जुयाः निह्यं त्वाल्वां दुःख हनाच्चनेमाल, १ । ह्लापा मनूया
 जन्मय् जुजुया लाय्कुलिइ भण्डारी जुयाच्चंवलय् थः परिवार
 व कतःयात नं नकें स्यानाः थः जक साः-भि नया जूगु पापं
 फास्वाःह्य प्रेत जुयाः जन्म कयाः दुःख सियाच्चनेमाल, २ ।
 ह्लापा मनूया जन्मय् वाराणसिइ ब्राह्मण जुयाच्चंगु वखतय्
 बुद्ध वचनयात हेला यानाः, कपिन्त नके, त्वंके, तीकेगु ज्या
 याइपिन्त कुंखिनाः थः नं मनसे कपिन्त नं मनकुसे ध्यवा जक
 मुंकाः नुगःस्याःकुति जूगुया फलं थों सूचीमुख (भुतुप्वाः
 चिप्वाः, प्वाः तग्वाःह्य प्रेत जुयाः दुःख सियाच्चनेमाल, ३ ।'
 यथेहे परस्त्री गमन, जीवहिंसा, कपिनि सम्पत्ति मन्यंसे, मत्तक

काःगु, मिलय्जूपि फायाव्यगु, दुर्वचन ह्लानाः कपिन्त नुगलय्
स्याकावःगु आदि दशाकुशल पापया खँ बोध यानाबिज्यात ।
लिसें 'थूपि फुवकस्या पाप फुकेया लागि ध्वहे तिलाव्रत दं
घकाः कनाव्यु ।' थुलि खँ आज्ञा जुयाबिज्यासें श्री वसुन्धरा-
देवी अन्तर्ध्यान जुयाबिज्यात ।

अप्सरापिनि व्रत सिधयेकाः लिहां वन । चूडदेवी नं
लिहां वन । लंय् नापलावव पापीतय्त पूर्वजन्मया कर्म कंकं
कर्मया भोग फुकेगु उपाय न कनाः कनाः लिहां वया थः स्वामी
व न्ह्यथुया थासय् वनाः निम्बदेवीया शरणय् वनाः थःत जुवव
खँ कनाः थह्यं यानागु अपराधया लागि क्षमा पवनाच्चन ।

जुजु लय्तायाः निह्यं लानिपि व्वनाः श्रीपुर नगर लिहां
वन । जुजुं थह्यं श्री वसुन्धरादेवीया दर्शन याये मखंनिगुलि
निह्यं लानिपिलिसें मन्त्री, पुरोहितसहित यानाः व्रत दनेगु
गवसाः गवयाबिज्यात । विधिवत् रूपं व्रत दनेगु ज्या जुल,
कथहनं छसीकथं च्वनाः व्रत दन । थूगु व्रत खनाः लय्तायाः
व्रतया मण्डलं श्री वसुन्धरादेवी पिलुयाः दर्शन वियाबिज्यात ।

श्री वसुन्धरादेवी ह्यसीके-

स्वपाः रुवाः । दथुयागू रुवाः ह्यासुगू वर्ण-वसुन्धरादेवी ।
जवयागु रुवाः - कुंकुम वर्ण - महालक्ष्मी । खवयागु
रुवाः - ह्याउँगु वर्ण - कीमारी ।

तस्कं थिगु जः दुह्य । स्वह्यं छह्यहे, छह्यहे स्वह्य धइगु
प्रतीक स्वरूप स्वपाः रुवाः धारण यानाबिज्याह्य देवी ।

खुका ह्लाः । ह्लाःया ज्वंसा- जवगु मूलगु ह्लाःति जप
माला, निकागु ह्लाःति ज्वलाह्लायाकं, स्वकागु ह्लाःति
अभयवर बियाबिज्याःगु दु । खवयागु मूलगु ह्लाःतं प्रजा-
पुस्तक ज्वनाः, निकागु लहाःतं वागुई, स्वकागु लहाःत
अमृतया पूर्णकलश ज्वनाबिज्याःगु जुल ।

पलेस्वांया छःने ललितासनय् पयतुनाः जवगु तुति पूर्ण
कलश व उकिया छःने शङ्ख तथाः शङ्खया छःने दिकाः
मुमुहुं ह्लिला बिज्यानाच्चंह्य जुल ।

थुज्वःह्य सूर्यसमानं थिनाच्चंह्य श्री बसुन्धरादेवीया दर्शन
यानाः सकलं लय्तायाः आनन्दं विन्ति यानाः च्वच्वन ।

वसपोल श्री देवीं सकसितं सुख-ऐश्वर्यया लागि, पाप
नाश जुयाः पुण्य लाभ जुइगु व दुःख द्ररिद्र नाश जुयाः सक-
सितं भि मङ्गल जुइगु आदि वरदान (आशीर्वाद) बियाः
अन्तर्धान जुयाबिज्यात ।

कथहनं पूजा नं ववचाल । कल्लय्कुन्हु कौमारी पूजा
यानाः तिलाव्रत ववचायेकाः आनन्दं च्वनाच्च्वन । थुकथं ईढ्यः
पतिक अनुकुलता स्वयाः तिलाव्रत दनाः श्री बसुन्धरादेवीया
शरणय् वनाः वसपोलया मन्त्राभिषेक कयाः, दुःख, कष्ट, भय
आदि मुक्त जुयाः सुमिद जुइकाः दिन हंहं स्वदं फुसेलि
निम्बदेवी नांहा तःघीह्य लानिया पाखें काय् छद्म बूल । जुजुं
उह्य काय्थात 'तेजोदय राजकुमार' घकाः नां छुत । उह्य
कुमार तःघी जुइवं राज्यभार दक्वं कुविकाः थःगु अन्त्यकालय्

निह्यं लानिपि व्वनाः जृजृ सूर्योदय तुपिताभुवनय् वनाः च्वन ।
तिलाव्रतयागु प्रभावं उपि स्वह्यं लिपा श्री बसुन्धरादेवी च्वना-
बिज्याइगु सुखावति भुवनय् वास लात घकाः श्री शाक्यसिह
तथागतं आज्ञा जुयाबिज्यात ।



थुकथं ह्लापा श्री शाक्यसिह तथागतं कनाबिज्याःगु थूगु
धर्म-उपदेश न्यनाः शालिपुत्र, मौद्गल्यायन, आनन्द भिक्षु-
महितया बुद्ध-धर्म-संघया सकल प्राणिपि सन्तोष जुयाः श्री
शाक्यसिह तथागतयात दण्डवत् प्रणाम यानाः आनन्दं च्वना-
बिज्यात ।



श्री बसुन्धरादेवीया तिलाव्रत दनेगुया महिमा व
सूर्योदय जुजुया बाखं क्वचाल ।



**न्हित्थं श्री मां वसुन्धरादेवीयात लुमंकाः
वसपोलया धारणी न्वना-**

ॐ नमो भगवत्यै प्रार्थ्य वसुन्धरायै हूं हूं हूं श्री घने घने
घनेश्वर्यै वसुन्धारण्यै वरप्रदायै सर्वसत्त्व वस्त्रालंकार,
सर्व त्रीट्यादिभिः सर्वापकरण्यै समृद्धिमे देहि देहि
शान्तिकुरु पुष्टिकुरु वरसिद्धि ददापय स्वाहा !

**- श्रीमती रेवती वज्राचार्य व
सपरिवार**

अष्टया पिदने धुंकूगु सफूत-

१. धकि दुने धकि पिने- (बाखं मुना)
२. 'नगु व मिला'- (सम्पादन)
(कवि बंकुण्ठ प्र. लाकौलजुया कविता मुना)
३. चर्या नृत्य गुरुया लुमनाय्..- (लुमन्ति मुना, सम्पादन)
- ४ श्री बसुन्धरादेवी व्रत-बाखं- (सम्पादन)
(छलपोल / छिकपिनि ह्लाःतय्)



याकू:- बी. एस. प्रिन्टिङ्ग प्रेस, जगं दलाछि, ये ।